

# **"Raya Ceria, Raya Bijak!" ("Kempen")**

## **A) Terma dan Syarat**

1. Kempen ini dianjurkan oleh Amanah Saham Nasional Berhad (No. Pendaftaran 197901003200 (47457-V)) ("ASNB").
2. Kempen ini akan bermula dari jam 00:00 (GMT + 8) pada 24 Mac 2026 sehingga jam 23:59 (GMT + 8) pada 30 April 2026 ("Tempoh Kempen"). ASNB, mengikut budi bicara mutlakannya, berhak untuk mengubah, menangguhkan, menjadualkan semula atau melanjutkan Tempoh Kempen.
3. Dengan menyertai Kempen ini, Peserta Kempen (seperti yang ditakrifkan di bawah) bersetuju untuk terikat dengan terma and syarat di bawah.

### **4. Kelayakan**

4.1 Kempen ini terbuka kepada semua pemegang unit sedia ada dan baru mendaftar Akaun Bijak bagi Amanah Saham Bumiputera ("ASB"), Amanah Saham Bumiputera 2 ("ASB 2") dan Amanah Saham Bumiputera 3 ("ASB 3") ("Unit Amanah Yang Layak") kecuali semua kakitangan dan keluarga terdekat (pasangan dan anak-anak) kepada kakitangan kumpulan syarikat milik Permodalan Nasional Berhad (No. Pendaftaran 197801001190 (38218-X)) ("PNB") dan/atau entiti-entiti berikut yang mana terpakai:

- i. PNB;
- ii. ASNB;
- iii. Pelaburan Hartanah Nasional Berhad (198801008611 (175967-W));
- iv. PNB Merdeka Ventures Sdn Bhd (200001015384 (517991-A));
- v. PNB Research Institute Sdn Bhd (198501007000 (139442-U));
- vi. PNB Commercial Sdn Berhad (200001015419);
- vii. Attana Hospitality Group; dan
- viii. Mana-mana syarikat dan/atau entiti lain yang dibenarkan oleh Lembaga Pengarah PNB.

4.2 Untuk layak menyertai Kempen ini, Peserta mesti memenuhi syarat-syarat berikut:

- i. Peserta mestilah berusia lapan belas (18) tahun ke bawah dan merupakan pemegang unit sedia ada dan baru bagi Unit Amanah Yang Layak; dan
- ii. Peserta mesti membuat pelaburan minimum Ringgit Malaysia Satu Ratus (RM100.00), boleh secara kumulatif, dalam Unit Amanah Yang Layak sepanjang Tempoh Kempen.

4.3 Peserta mesti telah berjaya melabur melalui mana-mana platform berikut ("Platform"):

- i. Kaunter ("OTC") di cawangan ASNB dan ejen-ejennya;
- ii. myASNB iaitu melalui portal ([www.myASNB.com.my](http://www.myASNB.com.my)) dan/atau aplikasi mudah alih;
- iii. Perbankan internet ejen-ejen ASNB yang menawarkan transaksi unit amanah ASNB termasuk MAE, Maybank2u, CIMB Octo, CIMB Clicks, RHB Now, Affin Online, HLB Connect, Bank Islam GO dan AmOnline;
- iv. Ejen digital ASNB iaitu TouchnGo eWallet;
- v. Mesin ATM Maybank dan CIMB Bank atau mana-mana mesin ATM yang menawarkan transaksi unit amanah ASNB;
- vi. Skim Potongan Gaji ("SPG") (Kerajaan dan syarikat swasta);
- vii. Arahan Tetap melalui Maybank dan Bank Simpanan Nasional; atau
- viii. Auto Labur melalui myASNB portal dan/atau aplikasi mudah alih.

4.4 Peserta tidak dibenarkan melakukan sebarang transaksi jualan balik, penukaran atau pemindahan (kecuali transaksi pemindahan bagi Wakaf ASNB) dalam Unit Amanah Yang Layak sepanjang Tempoh Kempen.

## 5. Pemilihan Pemenang dan Hadiah

5.1 Kempen ini menawarkan hadiah duit raya dalam bentuk unit amanah dalam Unit Amanah Yang Layak dan barangan eksklusif Along Bijak yang terhad kepada tiga ribu tujuh ratus (3,700) pemenang ("Pemenang") berdasarkan "siapa cepat, dia dapat" bagi setiap tahap nilai pelaburan terkumpul, mengikut Terma dan Syarat ini.

5.2 Hadiah duit raya dan barangan eksklusif daripada ASNB adalah berdasarkan nilai pelaburan terkumpul, seperti di bawah:

<b>Tahap</b>	<b>Nilai Pelaburan Terkumpul</b>	<b>Jumlah Pemenang</b>	<b>Hadiah daripada ASNB</b>
1	RM100.00 – RM299.00	300	Unit amanah percuma bernilai RM5.00
2	RM300.00 – RM499.00	500	Unit amanah percuma bernilai RM10.00
3	RM500.00 – RM999.00	600	Unit amanah percuma bernilai RM15.00
4	RM1,000.00 – RM1,999.00	800	Unit amanah percuma bernilai RM25.00
5	RM2,000.00 – RM2,999.00	500	<i>Plushie</i> dan tabung Along Bijak
6	≥RM3,000.00	1,000	Unit amanah percuma bernilai RM50.00

- 5.3 Hadiah duit raya akan dikreditkan ke akaun Pemenang dalam tempoh enam puluh (60) hari bekerja selepas tamat Tempoh Kempen dan/atau selepas sebarang keperluan yang berkaitan dengan pengkreditan unit dipenuhi.
- 5.4 Hadiah *plushie* dan tabung Along Bijak boleh ditebus di mana-mana cawangan ASNB yang terdekat selepas makluman Pemenang oleh ASNB setelah tamat Tempoh Kempen.
- 5.5 Peserta hanya layak untuk menerima satu (1) hadiah duit raya atau barangan eksklusif sahaja sepanjang Tempoh Kempen.
- 5.6 Hadiah duit raya adalah dalam bentuk unit amanah ASNB dan tidak boleh ditukar dengan wang tunai. ASNB berhak untuk menawarkan hadiah dalam mana-mana unit amanahnya, tertakluk kepada kelayakan Pemenang melabur dalam tabung tersebut, atas sebarang sebab tertentu mengikut budi bicara mutlakannya. Semua pelaburan permulaan dan/atau caj berkaitan yang diperlukan untuk menebus hadiah akan ditanggung oleh Pemenang.
- 5.7 ASNB berhak untuk menggantikan hadiah dengan hadiah yang sama nilainya pada bila-bila masa mengikut budi bicara mutlakannya.
- 5.8 Pemenang akan dimaklumkan oleh ASNB melalui e-mel atau mana-mana saluran komunikasi yang sesuai sebagaimana yang ditentukan oleh ASNB.
- 5.9 Sekiranya Pemenang gagal untuk memenuhi sebarang keperluan yang berkaitan dengan penebusan hadiah duit raya dalam tempoh yang ditetapkan selepas dihubungi oleh ASNB melalui mana-mana saluran komunikasi yang sesuai, ASNB mengikut budi bicara mutlakannya, berhak untuk membatalkan kemenangan tersebut.

## **B) Terma dan Syarat Am**

1. Setiap Peserta bersetuju bahawa dengan menyertai Kempen ini, Peserta membenarkan dan memberi kebenaran kepada ASNB untuk:
  - 1.1 mengumpul, menyimpan, memproses dan menggunakan semua maklumat dan data peribadi yang telah diberikan oleh Peserta kepada ASNB semasa menyertai Kempen ini termasuk gambar Peserta dan/atau pemenang, jika ada, ("Data Peribadi") mengikut dasar privasi ASNB yang dinyatakan di laman web ASNB di [www.asnb.com.my](http://www.asnb.com.my); dan
  - 1.2 mendedahkan dan berkongsi Data Peribadi antara kumpulan syarikat kami, ejen yang dibenarkan dan penyedia perkhidmatan (yang telah bersetuju untuk menjaga kerahsiaan Data Peribadi anda) untuk tujuan menyediakan produk dan perkhidmatan kami atau mana-mana perkhidmatan berkaitan dan apa-apa tujuan

lain yang berkaitan mengikut keperluan undang-undang yang relevan, tanpa sebarang bayaran atau pampasan.

2. Semua Pemenang Kempen ini akan bertanggungjawab sepenuhnya terhadap semua cukai, kadar, yuran kerajaan, atau caj lain yang mungkin dikenakan ke atas mereka mengikut undang-undang yang terpakai berkaitan dengan hadiah dan Kempen ini.
3. Setakat yang dibenarkan oleh undang-undang, ASNB dan Kumpulan PNB tidak akan bertanggungjawab ke atas sebarang kerugian atau kerosakan, sama ada secara langsung atau tidak langsung, yang timbul berhubung dengan Kempen ini.
4. ASNB tidak akan bertanggungjawab atas sebarang kegagalan berhubung dengan Kempen ini disebabkan oleh sebarang kejadian luar biasa, peperangan, rusuhan, mogok, penutupan, tindakan industri, kebakaran, banjir, kemarau, ribut, pandemik, kegagalan teknikal atau sistem, atau apa-apa peristiwa yang berada di luar kawalan munasabah ASNB.
5. ASNB berhak, pada bila-bila masa, untuk mengubah, memendekkan, membatalkan, menggantung atau menamatkan Kempen ini lebih awal secara keseluruhan, atau sebahagian, atau mengubah, memadam atau menambah mana-mana Terma dan Syarat di sini dengan memberikan notis bertulis melalui mana-mana saluran komunikasi yang sesuai kepada Peserta.
6. ASNB berhak untuk menentukan dan/atau menolak mana-mana Peserta yang tidak mematuhi terma dan syarat Kempen ini seperti yang dinyatakan di sini dan/atau didapati atau disyaki mengganggu Kempen ini dan/atau prosesnya atau operasi Kempen ini. Gangguan adalah termasuk aktiviti penipuan yang melibatkan sebarang perbuatan salah laku dan/atau penipuan berkaitan dengan Kempen ini.
7. ASNB dan Kumpulan PNB tidak akan bertanggungjawab atau dipertanggungjawabkan atas sebarang kerugian yang timbul sama ada secara langsung atau tidak langsung daripada penyertaan Peserta dalam Kempen ini atau sebaliknya.
8. Terma dan syarat Kempen ini, termasuk sebarang pindaan, pemadaman, atau penambahan, akan mengatasi sebarang peruntukan atau pernyataan yang terkandung dalam mana-mana bahan promosi, sama ada cetakan atau elektronik, yang mengiklankan Kempen ini.
9. Sebarang keputusan oleh ASNB mengenai senarai pemenang Kempen ini untuk hadiah adalah muktamad dan sebarang rayuan atau pertikaian tidak akan dilayan.
10. Jika Pemenang Kempen ini tidak memberi respon/gagal dihubungi oleh ASNB dalam tempoh yang ditetapkan melalui mana-mana saluran komunikasi yang sesuai, ASNB berhak untuk membatalkan hadiah tersebut.

11. Terma dan syarat Kempen ini akan ditadbir oleh undang-undang Malaysia.
12. Terma dan syarat Kempen ini dikeluarkan dalam kedua-dua bahasa, Bahasa Malaysia dan Bahasa Inggeris. Sekiranya terdapat percanggahan antara kedua-dua versi, versi Bahasa Inggeris akan diguna pakai.